

四庫全書

集部

欽定四庫全書

集部

石屏詩集卷五

六

詳校官庶吉士臣吳烜

主事臣呂雲棟覆勘

覆校官中書臣方大川

校對官中書臣王鍾泰

謄錄舉人臣劉禮

欽定四庫全書

石屏詩集卷五

宋戴復古撰

七言律

江濱曉步

津頭曉步落潮痕，行盡蒲根到柳根。
雁影參差半江月，鷄聲唧唧數家村。
求魚看下列筒釣，乞火聽敲鄰舍門。
料得錦城無此景，欲將圖畫寄王孫。

鄂渚烟波亭

倚遍南樓更鶴樓小亭瀟洒最宜秋接天烟浪來三峽
隔岸樓臺又一州豪傑不生機事息古今無盡大江流
憑欄日暮懷一作思鄉國崔顥詩中舊日愁

寄尋梅

寄聲說與尋梅者不在山邊即水涯又恐好枝為雪壓
或生幽處被雲遮蜂黃塗額半含蕊鶴膝翹空疎帶花
此是尋梅端的處折來須付與詩家

辛未元日上樓叅政攻媿齋先生

東風入仗慶雲翔百辟朝元奉玉皇一代安危寄黃髮
群生枯瘁轉青陽梅花結果調勲鼎栢葉宜年上壽觴
宰相黑頭天子聖賴公同與措時康

春日二首呈黃子邁大卿

野人何得以詩鳴落魄騎驢走帝京白髮半頭驚歲月
虛名一日動公卿頗思湖上春風約不奈樓頭夜雨聲
柳外斷雲篩日影試聽幽鳥話新晴

帝里風光二月新西湖幾隊

一作對

踏青人杏花時節偏

饒雨楊柳門牆易得春或是或非塵裏事無窮無達醉
中身五陵年少誇豪舉寂寞詩家戴叔倫

釣臺

赤符新領舊乾坤多謝君王問故人暫作客星侵帝座
終為漁父老江濱層臺不啻幾一作千仞直釣何曾挂

一鱗莫道羊裘欠圖畫丹青難寫子陵真

寄湖州楊伯子監丞

宛如公幹臥漳濱枕上窮吟過一春遣病每懷詩眷屬

訪醫因問藥君臣錯龜小卜占灾數覽鏡羸形類別人
寄語雲川賢太守新詩莫厭話愁頻

飲中達觀

三首取其

人生安分即逍遙莫向明時歎不遭赫赫幾時還寂寂
閑閑到底勝勞勞一心似水唯平好萬事如棋不著高
王謝功名有遺恨爭如劉阮醉陶陶

梅

孤標粲粲壓群葩獨占春風管歲華幾樹參差江上路

數枝裝點野人家
冰池照影何須月
雪岸聞香不見花
絕似林間隱君子
自從幽處作生涯

清涼寺有懷真翰林運使之來

不特來觀德慶碑
江山勝槩六朝遺
興亡了不關吾事
登覽胡為作許悲
梅為有香奇似雪
酒能無悶妙于詩
蕭蕭綠竹無人愛
留取雲梢待鳳儀

覺慈寺

踏破白雲登上方
自嫌塵土浣禪牀
千山月色令人醉

半夜梅花入夢香，深谷不妨春到早。
老僧殊為客來忙，山童懶慣勞呼喚。
自拗枯松煮米湯。

寄復齋陳寺丞二首

豈說

一作直道

從來用處難出乘五馬看廬山。
鳳凰覽德下

千仞虎豹憎人上，九關持論太高天。
動色憂時未老鬢，先斑平生風節誰其似。
汲黯朱雲伯仲間。

長憶西灣繫小舟，野人曾伴使君游。
夜浮星子邀明月，雨對廬君說好秋。
坐擁紅粧磨寶硯，醉歌赤壁寫銀鉤。

當時一段風流事翻作相思一段愁

飲中歌僕赤壁詞為作大字書之今

剌石于廬山羅漢寺

黃州偶成

雁叫淮南欲雪天倚樓無味抱愁眠
算從滄海白雲際行到黃州赤壁邊
萬事忌于懷壯志一生窮為聳吟肩
鬢間白者休教鑷要使天知老可憐

題泉州王梅溪先生祠堂徐竹隱真院謂梅溪

古之遺直渡江以來一人而已

堂堂大節在朝廷名重當時太華輕乾道君臣千載遇
先生議論九重驚人歌黃霸思遺愛我頌朱雲有直聲
一瓣清香拜圖像英風凜凜尚如生

無為山中鄭老家

高談可聽用心幽灼見此翁非俗流鞍馬破家還避世
田園得地肯封侯開窓修竹無由俗繞屋青山總是秋
門外短籬看亦好黃金菊間碧牽牛

南康縣用東坡留題韻

鏡中雙鬢已非鴉身在江湖心在家道路飄零如柳絮
山川迤邐近梅花客行有債頻沽酒老怕無眠戒飲茶
昨夜夢歸滄海上釣竿橫插雁邊沙

李季允侍郎舟中

憶昨楓橋既語離何期千里又相隨太湖不見鷗夷子
秋浦同尋杜牧之燈火船窓深夜話江山客路早冬詩
人間草木空無數除却梅花莫我知

湖南見真帥

致身雖自文章選經世尤高政事科以若所為即伊呂
使其不遇亦丘軻長沙地窄儒衣濶明月池乾春水多
天以一賢私一路其如四海九州何

永新宰潘仁叔再約觀梅

去年憶訪潘懷縣樽俎風流主意饒爆竹聲中度殘歲
華燈影裏醉元宵春風又起觀梅興野客仍煩折簡招
預想張園尋故事插花秉燭過溪橋

廬山

十首取
其四

山靈未許到天池又作西林一宿期寺是晉時陶侃宅
記傳隋代率更碑山椒雲氣易為雨客子情懷多費詩
暫借蒲團學禪寂茶烟飛繞鬢邊絲

道人問我看廬山上爭如閣上看呈露千峯秋落木
雕鏤萬象客憑欄靜中見得天機妙閒裏回觀世路難
管領風光有微憾桂花香裏酒瓶乾

太平宮朱
陵閣觀山

擁鼻行吟上下廊今宵又宿贊公房松搖半夜風聲壯
桂染中秋月色香白石清泉聞笑語名山大澤出文章

老夫甘作無名者不逐紛紛舉子忙

乘鸞不見李騰空試與尋真訪故宮黃葉堆邊覓行路
紫烟深處望仙蹤眼高天近千山上身共雲棲一壑中
九疊屏風三疊水更無詩句可形容

豫章東湖感舊

憶見堤邊種柳初重來高樹滿東湖交游大半入鬼錄
歌醉一時逢酒徒夜雨總成流水去春風能免落花無
經行孺子亭邊路猶有沙鷗識老夫

僮約

汝在

一作住

何鄉何姓名路途凡百愛惺惺衣裳脫著勤

收管飲食烹煎貴潔馨每遇歇時尋竹所須教宿處近
旗亭吾家僮約無多事辦取小心供使令

同鄭子野訪王隱居

聯騎來尋失馬翁相期投宿此山中一庭花影三更月
萬壑松聲半夜風共把酒杯眠不得劇談世事恨無窮

明朝莫使兒童見

一作覺

倘有江船吾欲東

夜宿田家

登筇相隨走路岐一春不換舊征衣
雨行山崦黃泥坂夜扣田家白板扉
身在亂蛙聲裏睡心從化蝶夢中歸
鄉書十寄九不達天北天南雁自飛

送蒙齋兄長游天台二首

方丈蓬萊去

一作自

渺茫天台祇在白雲傍羽衣金策群

仙過珠閣瓊樓八桂香采藥有時逢道侶
挑包遇夜宿僧房寒山拾得如相見
指點人間笑幾場

山林勝處說天台仙佛多從此地棲司馬八篇通道妙
豐干一語指人迷時逢好酒從容飲莫把新詩取次題
白日看雲思我否惠連無分共攀躋

豫章巨浸呈陳幼度提幹

乞得新晴賦晚霞出門無路欲乘槎憂風憂雨動經月
足食足衣能幾家一飯共君烹瓠葉三杯無處看荷花
自成鼓吹喧朝夕輸與東湖兩部蛙

訪趙東野

名時習休
官隱居

竭來問訊病維摩
花滿溪堂竹滿坡
髮禿齒危俱老矣
人高詩苦奈窮何
四山便是清涼國
一室可為安樂窩
猶有憂時兩行淚
臨風揮洒濕藤蘿

方孚若真人宅堂前池上作淮南小山題詠者
甚多見其詩軸次韻

妙手能移造化功
壺中幻出九華峯
山雖云小能棲鳳
水不求深貴有龍
事紀淮南千古勝
記成嘉泰八年冬
先生不用賦招隱
辦了功名訪赤松

江州德化縣漪嵐堂盡得廬山之勝醉中作此

呈趙明府

不羨君為花縣宰羨君日坐漪嵐堂有時酒興兼詩興
無限山光與水光百姓熙熙知教化群胥凜凜對風霜
公餘置酒看桃李醉倒花前客自狂

廬州帥李仲詩春風亭會客有塵字韻詩和者
甚多韻拘無好語

玉關人老鬢絲新千里長城在一身氣使黃金結豪傑

手揮白羽

一作扇

靜風塵山河四望亭中景桃李一開天

下春向日滿城騎戰馬而今四野盡耕民

送滕審言歸長沙別無聊

折柳亭前送故人平沙留得馬蹄痕雲生渡北

一作迷

行路烟起江南認別村恨不與君同上道歸來無伴自
開樽西樓獨倚黃昏月欲倩飛鴻寄斷魂

張仁仲提幹衡陽冰壺亭燕客

大抵吾曹臭味同留歡卜夜莫匆匆一亭景物冰壺上

萬里乾坤玉鏡中
疎柳無心挂明月
敗荷有恨倚西風
吟家舊日張公子
千首詩成句句工

別後舟中用前韻

出郭風光便不同
轉頭猶恨去匆匆
維舟別岸鴉啼後
倚柂澄江雁影中
向老客懷驚歲月
乍寒天氣轉霜風
冰壺亭上人如玉
謾寄詩篇不暇工

海月星天之觀

京口普照寺舊有橫陳軒岳總
侍改作此觀唐張祐普照上方

詩云人行中路月升海鶴語上
方星滿天就中摘此四字為名

巍然華屋似凌歊下際滄溟上九霄萬頃波濤浴蟾兔
一天星斗轉魁杓征鴻有感人飄泊宿鶴無聲夜寂寥
誰似風流羊叔子登臨缺五字

杜子野主簿約客賦一詩為贈與僕一聯云生

就石橋羅漢面吟成雪屋閨仙詩

杜陵之後有孫來自守詩家法度嚴秀骨可仙官汎薄
高情追古俗人嫌起看星斗夜推枕為愛江山寒捲簾
飽喫梅花吟更好錦囊雖富不傷廉

楊伯子監丞霅川久雨得晴為喜

村南村北晒蓑衣，好是雲開日出時。
太守少寬憂世志，野人為賦喜晴詩。
兩岐瑞麥黃金實，八繭吳蚕白雪絲。
政事端知一作能合天意，雨暘還亦順人為。

提刑彭仲節平叛卒

千兵喝賞黃金盡，六月臨戎白刃寒。
慷慨丈夫為事別，太平人物濟時難。
誰言江左無王謝，今喜軍中有范韓。
漢節梅花留不住，借君一劍斬樓蘭。

中秋李漕冰壺燕集

諸亭環立

一作玉

一湖灣區界無多眼界寬
蒼石傳為偽

劉物綠波曾浴葛仙丹
兩邊堤樹四時碧
一片冰壺六月寒
咫尺雲烟接滄海
須知此地有龍蟠

李計使領客游白雲景泰

一作李漕實夫攜僕游觀海上諸山四途

至蒲澗乃鄭安

期得仙之地

天近剛風吹面寒
繡衣玉立白雲間
滄波萬頃海南海
翠碧幾重山
外山自覺登臨無限意
誰思富貴不如閒

前峯若箇神仙宅指點烟霞見一斑

菊坡崔叅政說平叛卒不得已拜經畧之命豈

敢言功

角巾私第自逍遙諸老之中此老高無可奈何懷印綬
甚非得已用弓刀風生玉帳千兵肅天落金牌一札褒
緩急經心護鄉井生憎兒輩說功勞

題處士黃公山居

行盡松坡與竹坡沿溪窈窕上巖阿山深每恨客來少

寺近莫教僧到多，但覺洞中人不老。
不知雲外事如何，邊頭又報真消息。
信使來朝乞講和。

題何季湧江亭

勝槩何妨近市廛，紅塵疎處著三椽。
數重青嶂橫天末，一道澄江在眼前。
海浪浴紅朝出日，樹林堆碧晚生烟。
請君分付堤邊石，莫使漁翁來繫船。

別鍾子洪

識得潮陽鍾子洪，令人可想古人風。
文章有氣吞餘子。

天地無情負此翁
問舍求田非細事
叅禪學佛見新功
欲知別後真消息
莫惜頻書寄海鴻

再賦惜別呈李實夫運使

一生飄泊老江湖
今日別公歸故廬
此去怕無相見日
因風或有寄來書
雲烟過眼時時變
草樹驚秋夜夜疎
人物似公能幾輩
不知天下竟何如

蕭學易何季皋和作別詩佳甚再用前韻

少年行脚白頭歸
不負平生汗漫期
望斷海山雲漠漠

愁生江路草離離一篇王粲登樓賦幾首巴陵送別詩
獨倚蓬窓無意緒瓦盆傾酒憶金卮

靈洲

一臺中立鬱蒼蒼四面山光接水光潮信往來知氣候
鼃精出沒兆災祥烟生茶竈僧留款風展蒲帆客去忙
白髮東坡在何許兩行遺墨照琳琅

和韶州許使君令子送別之韻

詩瘦吾非沈隱侯五窮相值結為讐方愁度嶺無相識

却喜聞韶到此州世道從來三不合客行何止七宜休
故人知我平生事肯笑蘇秦著敝裘

南安王使君領客湛泉流觴曲水

橫浦堂前舉一卮古榕陰下坐多時連朝好雨千山潤

昨夜新

一作清

秋一葉知梅嶺鄉來逢行

一作驛

者蘭亭今

日又羲之家聲不墜

一作傳家尚有

風流在如見初寮說好詩

題鄒震甫江山偉觀

八境橫陳淦水濱異鄉誰識倚樓人江山不越

一作礙

乾坤

大烟雨翻成風月新十載經營梅屋趣三間突兀草堂
隣題詩未得驚人句從此登臨莫厭頻

去年訪曾幼卿通判攜歌舞者同游鳳山僕有
歌舞不容人不醉樽前方見董嬌嬈之句今
歲到鳳山又闢西隅築堤種柳新作數亭且
欲建藏書閣後堂佳麗皆屏去之矣僕嘉其
志又有數語併錄之

一丘一壑自逍遙莫怪山人索價高是處園林可行樂

同來賓客不須招
臨風桃李花狼藉
照水樓臺影動搖
歌舞不容人不醉
樽前方見董嬌嬈

別駕常懷物外心
黃金屢費買山林
後堂不肯著歌舞
高閣惟思貯古今
幾處亭臺新結束
一春風雨阻登臨
野夫昨日閒乘興
著屐尋詩到柳陰

撫州謝樓宗丞見訪

客裏門庭可設羅
使君千騎肯相過
心忘貴賤交游重
論及興衰感慨多
諸老逢時起巖壑
三邊何日罷干戈

老夫何預人間事歸去

一作只合

滄江

一作洲

理釣蓑

平江呈毅夫侍郎

龍墀射策三十字未抵胸中十萬兵
遠大無過為將相文章爭似立功名
當今天下幾豪傑獨數君家兩弟兄
世事從橫人事左未知何以措昇平

見淮東制帥趙南仲侍郎相待厚甚特送買山

錢又欲刊石屏詩置于揚州郡齋話別叙謝

如公當向古人求識面何須萬戶侯
浪說釣鰲游瀚海

真成騎鶴上揚州受恩多

一作深

處難為別宿酒醒時始

覺愁回首平山堂下路不堪風雨送歸舟

鎮江別總領吳道夫侍郎時愚子琦來迎侍朝

夕催歸甚切

落魄江湖四十年白頭方辦買山錢
老妻懸望占烏鵲
愚子催歸若杜鵑
濟世功名付豪傑
野人事業在林泉
難禁別後相思意
或有封書寄雁邊

董侍郎山園燕樓宗丞

旌旗十騎擁春華，傾動臨川十萬家。
皂蓋出郊因問柳，紫荷領客共看花。
罇前人唱鶯隨唱，堂下吏衙蜂亦衙。
寄語風流賢太守，好留醉墨伴烟霞。

聶侍郎領客觀園林之勝，飲中出示名賢書畫。
烈士家風從橐尊，時容野客上朱門。
如登東觀圖書府，又似西巖水竹村。
自以一閒銷日月，誰知萬慮滿乾坤。
諸公衮衮成何事，不若花前對酒罇。

思歸二首

吟詩不換校書郎但欲封侯管醉鄉
疎懶無成嵇叔夜
清狂似達賀知章
安貧不怕黃金盡
既老從教白髮長
百計不如歸去好
子孫相對說農桑

老矣歸歟東海村
長裾不復上王門
肉糜豈勝魚羹飯
紈袴何如犢鼻褌
是處江山如送客
故園桐竹已生孫
分無功業書青史
或有詩名身後存

趙用甫提舉夢中得片雲不隔梅花月之句時
被命入朝雪中送別用其一句補以成章

一時議論動諸公有詔西來玉節東又見清朝更大化
好超丹陛奏孤忠片雲不隔梅花月一雪翻成柳絮風
把酒莫辭今日醉明朝車馬去匆匆

長沙呈趙東巖運使併簡幕中楊唯叔通判諸
丈

日莫遠途行未休白頭又作長沙遊湘江一點不容俗
岳麓四時皆是秋香草汀洲付騷客紅蓮幕府聚名流
吟邊萬象寫不得上有風流趙倚樓

山中見梅寄曾無疑

自號雲巢名三
異臨江軍人

香動寒山寂寞濱
直從空谷見佳人
樹頭樹底參差雪
枝北枝南次第春
有此瑰琦在巖壑
其他草樹亦精神
移根上苑誰云晚
桃李依然在後陳

余惠叔訪舊

扁舟訪舊入橫塘
新柳今如舊柳長
室邇人遙春寂寂
風流雲散事茫茫
縱題紅葉隨流水
誰弄青梅出短牆
政是沈郎愁絕處
杜鵑不斷叫斜陽

兩山趙仁甫宰臨安有武學生張文相訪酒邊
弄刀舞劍甚可觀因成七言縣乃錢王故宮
九龍十錦皆其地

風流晉宋時人物花縣鳴琴調甚新不厭開樽留劍客
仍能下榻待詩人九龍池館空陳迹十錦山川自好春
但見清吟度白日不知佳政最宜民

友人朱淵出示廷對策不顧忌諱讀之使人凜
凜受淮東制置辟

龍墀射策對明君憂國忠言駭見聞皎皎一心如白日
寥寥千古再朱雲時危諸老皆求去兵滿三邊未解紛
要使文臣知武事不妨王粲且從軍

裘司直見訪留款

清風為我拂塵襟坐聽先生說古今道誼欲灰傷世變
利名如海溺人深一言可重輕雙壁片善相資直萬金
聞道門牆不多遠明朝修敬到山陰

僕時寓興隆東湖裘居西山下

訪張元德

號主一道學中人

今宵何幸宿書林
議論縱橫感慨深
黃卷具傳千古意
青燈照破幾人心
狂夫嗜飲夜偷酒
汙吏容私晝攫金
堯舜君民舊風俗
凡經幾變到于今

滕審言相遇話舊

憶昨同君訪月林
幾年相別到于今
江山花草生詩夢
風雨憂愁長道心
久矣無波觀古井
悠然得趣聽鳴琴
一生奔走成何事
塵滿征衫雪滿簪

陳孟參陳明子同遊麻姑山

麻姑壇上共登臨
野客悠然起道心
丹井汲泉深百尺
星杉聳壑到千尋
青蓮花白僊蹤遠
烏柏葉紅秋意深
何用金漿擘麟脯
山肴濁酒可同斟

興國軍晚春簡吳提幹

幾夜林間哭杜鵑
東風又作落花天
青春不覺過三月
白髮誰能滿百年
日射紅波光閃閃
天連烟草碧芊芊
異鄉欲作登樓賦
心逐歸鴻到海邊

朱子昂司戶登滕王閣

帶鄂州雪
酷來飲

笑傲不禁秋興長
登臨誰復問滕王
江湖周折地襟帶
雲霞粲爛天文章
人如野鶴何飄逸
目送飛鴻去渺茫
安得雪醅三百斗
發君豪氣對吾狂

汪給事守鄂渚元宵代江夏宰吳熙仲獻燈

鄂州新得主人翁
今歲元宵便不同
燈火夜深回晝日
管絃聲動起春風
遼天月借三秋白
陸地蓮開十丈紅
妙手信能移造化
速宜歸去補蒼穹

一晴收盡四山雲
天與黃堂作好春
西楚東吳獻風月

南樓北榭擁星辰扶持入郭觀燈叟歌舞攔街醉酒人
此是太平真氣象今年第一箇良辰

袁州化成巖李衛公謫居之地

一巖端坐挹千峯三兩亭臺勝概中江水驟生連夜雨
松聲吹下半天風因思世故吾頭白獨步林皋夕照紅
欲吐草茅憂國志誰能喚起贊皇公

友松亭代松語

從來巖壑守孤蹤豈料移歸寶籙中幸在交游一人數

願勤培植百年功
朱門縱有三十客
青眼毋忘十八公
根本既深枝葉茂
相期直上碧霄中

京口別石龜翁際可

把劍樽前斫地歌
有何留戀此蹉跎
心期難與俗子道
世事不如人意多
蓮葉已空猶有藕
菊花雖老不成莎
扁舟四海五湖上
何處不堪披釣蓑

讀放翁先生劍南詩草

茶山衣鉢放翁詩
南渡百年無此奇
入妙文章本平澹

等閑言語變瑰琦三春花柳天裁剪歷代興衰世轉移
李杜陳黃題不盡先生模寫一無遺

古田縣行覽呈劉無競

客游花縣自逍遙百里風光在兩橋語出桑陰鳩婦喜
身穿麥秀雉雛嬌青山一任雲來去綠水多為風動搖
上下相安長官好野亭閒坐聽民謠

諸葛仁叟縣丞極貧能保風節有權貴招之不

屑其行

時人誰識老聾丞滿口長談杜少陵俗輩衆多吾輩少
素交零落利交興權門炙手炎如火詩社投身冷似冰
堪笑皇天無老眼相知賴有竹林僧

萬安江上

不能成佛不能

一作成

儒虛度人間六十年鏡裏姿容雖

老矣酒邊意氣尚飄然安排玉白花紅句趣辦橙黃橘
綠天無奈秋風動歸興明朝問訊下江船

過昭武訪李友山詩社諸人

吟過長亭復短亭喜于溪上訪詩朋
雕鏤已被天公怒
狂狷仍遭俗子憎
故故愁人長夜雨
明明照我短檠燈
休思京口相逢日
喜雨樓中賦大鵬

李友山諸丈甚喜得朋留連日久月洲乃友山

道號

此身到處自悠悠一笑非為越女留
風雨不妨鷄戒曉
江湖又見雁橫秋
途中有客居巖谷
天下何人似月洲
頗欲相從溪上住
諸君許我卜鄰否

洲字韻一作酒徒
日日通來往詩社

時時肯
唱酬

飲中

布衣不換錦宮袍
刺骨清寒氣自豪
腹有別腸能貯酒
天生左手慣持螯
蠅隨驥尾宜千里
鶴在鷄羣亦九皋
賢似屈平因獨醒
不禁顚顚賦離騷

陪徐淵子使君登白雪樓約各賦一詩必以宋
玉石對莫愁村

樓名白雪因詞勝
千古江山春雨餘
宋玉遺蹤兩蒼石

莫愁居處一荒墟風橫烟艇客呼渡水落沙洲人網魚

借問風流賢太守孟亭添得野夫無

唐時崔郢州館孟浩然于樓上遂有

浩然亭後人尊浩然改為孟亭徐使君詩併錄于此水落方成放牧坡水生還作浴鷗波春風自共桃花笑秀

色偏于麥壠多村號莫愁勞想像石名宋玉謾摩挲試將有袴無襦曲翻作陽春白雪歌

靜齋張敏則舍人贈詩因用其韻為酬

胸次詩書一派清學如耕稼到秋成十年閉戶存吾道

萬事無心逐世情葉落花開關氣數山長水遠是功名

摩挲老眼看新貴九鼎鴻毛孰重輕

客游

不能鬱鬱窟中藏
大笑出門游四方
與世周旋持酒盞
觀人勝敗坐碁坊
倒餐甘蔗入佳境
晝著錦衣歸故鄉
此志十年猶未遂
倚樓心事楚天長

都下書懷

京華作夢十年餘
不道南山有敝廬
白髮生來美人笑
黃金散盡故交疎
明知弄巧翻成拙
除却謀歸總是虛
出處古人都在說
盡功名未必勝鱸魚

新安寒食

不擬今年到歙州要知行止豈人謀一百五日客懷惡
三十六峯春雨愁老矣此身猶道路淒其歸夢繞松楸
花瓢僊子無由見千里江山負遠游

烏聊山登覽

抖擻罽塵上翠微旁溪寺上坐題詩忽聞啼鳥不知處
細看好山無厭時風掃雲烟開遠景人攜香火謁叢祠
客來千里登臨意說與時人未必知

癖習

平生癖習未全除
虛事經心實事疎
為惜落花慵掃地
每看修竹欲移居
逢人共作亡何飲
撥冗時觀未見書
爭奈一貧隨我在
思量不若把犁鋤

田園吟

俗諺桐樹發花茶戶大
家又云樹無梅手無杯

自古田園活計長
醉敲牛角取宮商
催耕啼後新秋綠
鋤磨鳴時大麥黃
桐樹著花茶茶戶
富梅林無實林田
荒
狂夫本是農家子
拋却一犁遊四方

九日登裴公亭得無災可避自登山之句何季
皋滕審言為之擊節足以成篇

良辰樂事兩相關不可不求今日閒有酒能賒堪薦菊
無災可避自登山心懷屈賈十年上身在瀟湘八景間
好向樽前開笑口人生枉自作愁顏

趙升卿有官不肯為里居有賢聲訪之于深巷
中

深居陋巷不妨幽翠竹當門水滿溝每遇事來先覺懶

欲為官去又還休田園自樂陶元亮鄉里多稱馬少游
除却讀書無所好有時閒作北巖遊

即化城巖

括蒼石門瀑布

少泊石門觀瀑布明知是水却疑非亂拋雪玉從天下
散作雲烟到地飛夜聽蕭蕭洗塵夢風吹細細濕人衣
謝公蠟屐經行處聞有留題在翠微

杜門自遣

世事茫茫心事灰衆人爭處我驚回閉門不管花開落

避俗唯通燕往來富貴在天求不得光陰轉地老相催
平生任達陶元亮千載神交共一杯

登快閣黃明府強使和山谷先生留題之韻

未登快閣心先快紅日半簷秋雨晴宇宙無邊萬山立

一作今古如斯一水在雲烟不動八窓明飛來一鶴天相近一作旁羅

萬象山如立過盡千帆江自橫借問金華老僊伯幾人無忝

入詩盟

滕王閣次韻劉允叔

消遣客懷尋勝事酒杯詩卷得同攜當年傑閣棲龍子
今日空梁落燕泥斜照浴紅秋水上好山橫碧畫欄西
幾人登覽皆磨滅唯有前峯壓不低

竹洲諸姪孫小集永嘉蔣子高有詩次韻

美景能兼樂事難愁來唯仗酒遮攔昂藏病骨兼詩瘦
料峭春風帶臘寒喬木尚疑前輩在好花應笑老人看
忍拋明月先歸去輸與諸郎徹夜歡

游雲溪與郡宴用太守韻即事二首

溪堂久矣無人到千騎傳呼五馬來流水奔騰砥柱立
好山呈露晚雲開指揮壯士馳驍騎管領衰翁弔古梅
笑問風流羊叔子幾人登覽不塵埃

官府太平無一事凝香座上著衰翁飄搖短棹游方沼

縹緲高樓倚半空把酒夜深霜落後吹簫人在月明中

使君笑指

一作立

梅花說

一作下

去歲今年事不同

去歲臘月十一

至夜寇

和高興權

相逢休說昧平生高適能詩久擅名欲課荒蕪來入社
羞將老醜對傾城近來客裏仍多病強向花前舉一觥
樂極自傷頭白早

一作早白

樽前知我孟雲卿

懷雪蓬姚希聲使君

唐姚梁公作冰壺賦雪蓬有碑

寒入疎蓬夜雪深是非難辨口如瘡一官不幸有奇禍
萬事但求無愧心想像騎牛開畫卷丁寧回雁寄來音
傳家一首冰壺賦未信橫舟竟陸沈

其二

有

一作百

感中來不自禁短長亭下短長吟梅花差可強

人意竹葉安能醉我心世事無憑多改變仕途相識半

昇沈

一作龍隱湘江春水濶猿啼嶽頂暮雲深

摩挲老眼從頭看只有青山

無古今

豫章東湖宋謙甫黃存之酌別

湖邊長記昔年游生怕清波照白頭楊柳蕭疎多困雨
芰荷顚顚早驚秋無功及物談何益有酒開懷醉即休
江上買舟猶未定明朝尚可為君留

都中懷竹隱徐淵子直院

手攜漫刺訪朝官，爭似滄洲把釣竿。
萬事看從今日別，九原叫起古人難。
菊花到死猶堪惜，秋葉雖紅不耐觀。
多謝天公憐客意，霜風未忍放深寒。

人日

自換端平新曆日，眼看日月倍光輝。
南州有雪古來少，人日不陰今見稀。
鼓舞萬方觀德化，轉移一世屬天機。
朝廷有道吾君聖，辦作昇平老布衣。

送劉鎮叔安入京

謫居三山二十餘年真西山奏令自便趙用父使君為唱

錢其行坐客二十八人分韻賦詩得君字

二十餘年謫宦身此行便可上青雲
西山一手為推轂南浦幾人爭送君
橫水流傳無垢集海神驚見老坡文
回頭莫有關情處別酒須教滿十分

三山林唐傑潘庭堅張農師會于丁巖仲新樓
又攜詩卷到南州塵滿征衫雪滿頭
桃李春風故園夢江山落日異鄉愁
樽前一笑真奇事坐上諸君盡勝流

政倚清談洗胸臆莫教王粲賦登樓

次韻杜運使見贈

飄零敢說是詩人故舊多居要路窮賤交游誰復記
江湖蹤跡早成陳無心涉世當歸隱有口逢人肯說貧
家在翠屏山下住茅廬雖小可容身

訪漳州趙用父使君

幸遇故人為太守客來不憚路程遙九龍山水連滄海
五馬聲名動紫霄一意奉行寬大詔多君不負聖明朝

欲知惠愛及人處聽取街頭賣炭謠

見曾提刑兼安撫

鴻甫侍郎子也

傳家學術用如新風采英英照七閩
巡按併開都督府平反專奉太夫人
關河未定心憂國麾節相仍澤在民
聞說青雲多故舊不應久作外臺臣

思歸

地上皇皇蟣虱臣著衣喫飯亦君恩
不能待詔金鑾殿嘗欲獻詩光範門
身在草茅憂社稷恨無毫髮補乾坤

才疎命薄成何事白首歸耕東海村

躬耕海上奈無田乍可經營買釣船
未有人供令狐米
欲從鬼借尉遲錢
回頭歸路三千里
藉手還鄉五百篇
幸遇太平時節好
白雲深處了殘年

趙克勤曾索卿景壽同登黃南恩南樓

欲從高處賞新秋上盡層坡更上樓
天地無窮吾輩老
江山有恨古人休
寧隨狡兔營三窟
且跨飛鴻閱九州
憶著當年杜陵老
一生飄泊也風流

鄂州南樓不可到到此南樓眼亦青乾坤日月與高致
城郭江山無遁形把酒縱談心耿耿倚欄遐眺鬢星星
世間萬事關愁思莫使秋風吹酒醒

山行遇秀癡翁

新冬行樂賞新晴幾箇江湖舊友朋霜蟹得橙同臭味

一作是水可臨山可登竹所有松相映帶梅花與菊作交承樽前盡是論文

客林下那逢

一作聞

好事僧機解到時言語別李翱詩句

入傳燈

石亭野老家

野老將余到石亭先呼小豹出相迎
依凭林谷住家穩奔走兒童見客驚
牛豕與人爭徑路桑麻繞屋蔽柴荆
溪邊不合栽桃李猶恐春風惹世情

讀王幼學上殿劄子

才到朝廷被論歸孤忠幸有九重知
神醫能識未蘇病國手難翻已敗碁
四海爭傳治安策諸公如在太平時
老夫懷抱緣何事未到秋來早自悲

謝史石窓送酒并茶

遣來二物應時須客子行厨用有餘
午困政須茶料理春愁全仗酒消除
不勝歡喜拜嘉惠無限慇懃作謝書
君既有來何以報一牀蘄簟兩淮魚

閱舊稿見喬丞相詩跋因成此詩

三十年前舊詩冊兩行鈞翰儼如新
自甘白屋為寒士敢說黃扉有故人
五雨十風勤變理九州四海費經綸
年踰八十貂蟬貴不負明君恐負身

衡陽度歲

為懷賈誼到長沙又過衡雲湘水涯詩酒放懷真是癖
江湖久客若無家茫茫萬事生春夢草草三杯度歲華
把定東風笑相問忍將桃李換梅花

遇張韓伯說邊事

每上高樓欲斷魂沿江市井幾家存飛鴻歷歷傳邊信
芳草青青補燒痕北望苦無多世界南來別是一乾坤
相逢莫說傷心事且把霜螯薦酒樽

有議表蒙齋者

世上苦無公是非譏評人物信猶疑鏡中妍醜無私照
碁上高低有誤時懷古尚餘喬木在傷春唯許落花知
黃金可辨將何用鑄出當年鍾子期

醉吟

草茅無路謁君王白首終為田舍郎近讀南華資曠達
欲師西洛愧荒唐乾坤萬象供詩料風月一樓為醉鄉
日晚棲禽歸自樂飛鳴不是怨斜陽

慈雲避暑

相邀避暑到慈雲細聽諸君講見聞六月美宣歌北伐
五絃思舜奏南薰不憂冷澹無歡伯自致清涼有此君
想像當時河朔飲樽前不用著紅裙

久客還鄉

短簷紗帽舊麻衣鐵杖扶衰步履遲老去分為無用物
客游誰道有歸時豐年村落家家酒秋日樓臺處處詩
生長此方真樂土江淮百姓政流離

聞時事

昨報西師奏凱還近聞北顧一時寬
淮西勲業歸裴度
江左聲名屬謝安
夜雨忽晴看月好
春風漸老惜花殘
事關氣數君知否
麥到秋時天又寒

寄趙德行

嘗有浼諸公
進詩之說

平生幸甚識諸公
未免歸為田舍翁
詩稿敢求經御覽
客身自笑坐天窮
肯將釣手遮西日
獨聳吟肩訴北風
枉使西山有遺恨
不能置我玉堂中

別鄂渚

連宵歌舞醉東樓，不信樽前有別愁。
半夜月明何處笛，長江風送故人舟。
十年浪迹游淮甸，一枕高眠到鄂州。
明日擬蘇堤上看，當春楊柳政風流。

艤棹清江

艤棹江濱訪舊游，十年重到戲漁洲。
不知芳樹在何許，但見落花從此流。
我醉欲眠因假榻，客行未定且登樓。
有錢贖買張家酒，準備明朝話別愁。

萬安縣芙蓉峯

凌空傑閣為誰開
隔岸芙蓉不用栽
今古相傳彩雲現
江山曾識大蘇來
酒邊歌舞共一笑
客裏登臨能幾回
翠浪玉虹從此去
明朝人在鬱孤臺

汪見可約游青原

來訪青原古釣磯
溪流衮衮濯龍奇
一茶可款從僧話
數局爭先對客棋
雲雨那能敗吾事
山林政喜得君詩
石頭路滑籃輿小
換得扁舟在水湄

除夜

掃除茅舍滌塵囂一炷清香拜九霄萬物迎春送殘臘
一年結局在今宵生盆火烈轟鳴竹守歲筵開聽頌椒
野客預知農事好三冬瑞雪未全消

黎明府約尋梅

霽雪園林粲陸離九峯山下探梅時三川風月醉中見
百里襟懷琴上知老樹著花春到早長街籠燭夜歸遲
奚囊一路生光采中有琴堂唱和詩

葉宗裔為令叔求竹山詩

愛竹舊稱王子猷
今君異世等風流
山中便是清涼國
門下合封瀟洒侯
有此一堂真可隱
不妨諸姪與同遊
吟邊想像參差綠
許我攜琴一到不

一景分明似渭川
竹山堂好以人賢
蘭亭價為羲之重
峴首名因叔子傳
紫翠數峯長在眼
琅玕萬箇欲參天
老夫身墮塵埃底
遙挹清風亦洒然

春日風雨中

蕭蕭風雨閉柴門
年紀衰頽病著身
大似梁鴻居海曲
略如公幹卧漳濱
三春晴暖無多日
一世安閑有幾人
聞道明朝新醞熟
不妨祭竈請比隣

寄吳明輔秘丞

吾鄉幸有吳夫子
星斗網羅文字胸
百鳥收聲聽鳴鳳
千山落木秀孤松
旁通滄海江山水
高壓雲城帙幘峯
每見一斑三歎息
白頭未得奉從容

七十七翁猶眼明
三台星畔見奎星
文章有氣吞餘子

議論無差本六經愧我不能攀逸駕得君自足振頽齡
玉溪常與荆溪接分得餘波到石屏

靈洲梅花

穿林傍水幾平章合有春風到草堂自入冬來多是暖
無尋花處却聞香枝南枝北一輪月山後山前兩履霜
直看過年開未了醉吟且放老夫狂

寄廣西漕陳魯叟誥院

回首元龍百尺樓一時詩酒記同遊好山歷歷在人眼

流水滔滔任客舟
歸雁欲從何處去
落花恨不為春留
錦囊佳句無人問
自別君來白盡頭

隨軍轉運司王宣子上巳日會客

邊頭相遇若相期
又見隨軍轉運司
憶昨醉君京口酒
傷今讀我石壕詩
蘭亭飲客酬佳節
淝水收功定幾時
準擬看花花較少
春風全在綠楊枝

湖廣李漕革夫大卿飲客西湘

一作湖

管領風光此會稀
坐中賓客總能詩
神仙有洞尋難見

山水當軒看轉奇
春不再生陶侃栢
人來多打李邕碑
因思屈賈傷今古
國有忠臣無用時

曾雲巢同相勉李玉澗不赴召

詔書催赴紫宸班
九奏君王乞掛冠
日暮倒行非我事
一作急流勇退有何難
地靈不隱金砂勝
秋水長流玉

澗寒好把山林寄
圖畫試教天下故人看

寄撫州樓使君

夢上江西江上船
行隨五馬五峯前
臨川太守賢無敵

政媿先生學有傳佳政可書循吏傳斯民共樂太平年
不知擬峴臺前景公暇清吟得幾篇

江山

江上一作上

借得茅樓一倚欄見成詩句滿江天歸鴉啼處客投宿
野鴨飛邊人上船老眼尚嫌隨物轉閒心可惜被貧牽

平生錯做功名夢金印何時

一作須

二頃賢

一作田

京口遇薛野鶴

天下江山第一州可能無地著詩流黃金不愛買官職

白髮猶堪上酒樓
悵恨牡丹遭雨厄
叮嚀芍藥為春留
狂吟有禁風騷歇
語燕啼鶯代唱酬

題邵武熙春臺呈王子文使君

步到風煙上上頭
恍如造物與同游
千山表裏重圍過
一水中間自在流
近郭樓臺隔雲見
鄰峯鐘磬出林幽
風流太守詩無敵
有暇登臨共唱酬

秋日病餘

桂子吹香風露深
老夫吟了聽蟬吟
秋來賸有行山興

病後全無涉世心
詩苦積成雙白髮
酒豪輕用萬黃金
平生意氣今如許
獨抱傳家一破琴

次韻郡倅王子文小園詠春

州縣徒勞喜近民
民間何事不關身
誰知風月臺中客
自是絲綸閣上人
萬縷綠垂楊柳雨
一梢紅破海棠春
小園暫作風光主
朝馬行隨輦路塵

安豐倅李華被旨監軍入閩討賊華身督諸將
先破賊巢穴所嚮輒勝招捕使之成功監軍

之力居多守汀州四年民賴以安有應變壓

難之才僕遊汀邵間實知其詳為賦二首

一作

為作
二詩

三年壯士起淮濱賈勇從公定七閩在昔猩鼯中夜嘯

而今桃李萬山春臨危性命輕如葉破敵機鋒妙若神

自此南人不知反使君還亦是天人

一作壯士三年駐
七閩監軍談笑靜

風塵滿懷韜畧高群智破敵機鋒妙獨神在昔猩鼯長
夜嘯而今桃李萬山春南山自此不復反北望關河事

新業

英雄疎畧書生腐守調如公天下無眼底紛紛付談笑
胸中事事有規模從他要路爭馳轂獨坐偏州再剖符
平寇功成在誰手亂山深處問樵夫

海上魚西寺

北風三日弭行舟登陸因為島寺游自笑奔馳如野馬
本無拘束似沙鷗人誰與語自緘口山有可觀頻舉頭
小雨疎烟晚來景老僧相對倚鐘樓

甘窮

自甘寂寞坐詩窮何取多牛積穀翁
痛飲不孤連夜月
浮生禁得幾秋風芙蓉媚日紅
相對螭螭著霜黃在中
白盡鬚毛無可老此身未死抑愁儂

詠梅投所知

潔白無瑕美不嬌炯如珠玉粦林皋
獨開殘臘與時背
奄勝衆芳其格高欲啟月宮休種桂
如何仙苑却栽桃
不將品質分優劣痛飲花前誦楚騷

炯一作爛

黃州竹樓呈謝國正

每日黃堂事了時一心惟恐上樓遲
發揮天地讀周易
管領江山歌杜詩
切戒吏來呈簿歷
常邀客至共琴碁
風流太守誰其似
半似元之半牧之

漢陽登覽呈王中甫使君

西州城郭雖然小
江漢規模壯矣哉
大別山頭觀禹迹
楚波亭上望吳臺
蕭蕭修竹鳳不至
漠漠平沙雁又來
五馬相邀共登覽
欲酬秋興費詩材

簡陳叔方問病

聞君臥病知何病醫者難從脈上尋自是讀書多損氣
或緣憂國重驚心飽參妙理床頭易細寫幽懷膝上琴
蛇影無疑自無恙此方何止直千金

鍾春伯園林

西風吹起蓴鱸興八座歸來有北山林麓兩峯亭榭外
瀟湘一片水雲間天生景物四時好人滿乾坤幾箇閒
語喚石屏非浪語常思蠟屐共躋攀

清明前夢得花字

白頭那辨老生涯幸有癡兒可主家百歲光陰一場夢
三春消息幾番花掃松預造清明酒入峽先租穀雨茶
隨分支吾度時節那求不死煉丹砂

題王制機池上千巖奇觀

華堂掩映一池清著此崔巍若化成胸次玲瓏具丘壑
世間髣髴見蓬瀛碧雲堆上千峯立綠水光中萬象生
欲去河陽種桃李回頭又覺宦情輕

訪慧林寺僧因有詩

故人有約訪鄉僧少坐西林待晚晴雙燕護雛更出入
群鴉攪肉鬪飛鳴長溪積水流無盡古木號風訴不平
一段見成公案在請君判斷要分明

陳漕領客西園賞海棠

追隨玉節賞仙葩滿座風流客更嘉錦繡有光搖竹影
珍珠無價買春華猩紅滴滴嬌含蕊雪白紛紛老半花
肯對騷壇輕著語后山詩句已名家

王和甫主簿卜地改葬雙親一夕夢到一處風

水佳甚及到雁蕩羅漢寺後山宛如夢中所
見及造壙衆石之中獨有一穴僅可容雙棺
孝感如此

仇香竭力奉雙親孝感于天得此墳衆石中藏一杯土
來山面對五峯雲龜鸞遠近參差見龍虎低昂左右分
早見凌雲牡丹見他年朱紫定紛紛

旁有龜峯鸞峯前有凌雲巖時有牡丹花現也

喜梅雨既晴

屋角鳴禽弄好音樓頭夏木綠陰陰
鑷空白髮愁根在
熟盡黃梅雨意深
苔榻有泥妨客坐
稻田足水慰農心
老夫已作豐年想
鼓腹思為擊壤吟

李司直會客吳運幹有詩次韻

使君高會集群仙也使狂夫坐細氊
白壁一雙酬議論
青春十載棹觥船
客愁遇酒退三舍
梅信與春開一先
已辦扁舟明日去
幾時重得到花前

一相識無辜獲罪

一宿津亭睡不成愁來物物是離情月輪高掛山河影
江浪巧為風雨聲志士失途為鬼笑佳人泣血送君行
塞翁得馬非為福公論如天久自明

送黃教授日巖之官章貢

久矣聞名不相識江湖還有見君時
出人意表發高論入我眼中多好詩
欲對春風開笑口不堪世事上愁眉

憑誰寄語

一作與

謝安石莫為蒼生起太遲

時召崔丞相不出

家居復有江湖之興

寒儒家舍只尋常破紙窓邊折竹牀接物罕逢人可

一作

好語尋春多被雨相妨庭垂竹葉因思酒室有蘭花不
炷香到底閉門非我事白鷗心性五湖傍

題亡室真像

求名求利兩茫茫千里歸來賦悼亡夢井詩成增悵恨
鼓盆歌罷轉淒涼情鍾我輩那容忍乳臭諸兒最可傷
拂拭丹青呼不醒世間誰有返魂香

題趙忠定公雪錦樓詩

斷句云早晚扁舟會東
下莫占衡岳問歸程人

以為後來誦
居之識云

九鼎重安國勢牢功名易辨謗難逃
手扶日月掃雲霧身向江湖直羽
毛雪錦詩成先識兆金滕書啟見
勤勞紛紛論定知忠定不負朝廷
兩字褒

陪厲寺丞賞芍藥

黃堂開宴領佳賓白鷺青原景一新
寄興江山擅名勝折衝樽俎靜風塵
醺醺壓架垂垂老芍藥翻階楚楚春
從此廬陵作佳話平分風月兩詩人

次王應求韻

逐日輪蹄走四方來來去去為何忙
無人肯問山林樂舉世爭趨名利場
以道自修身是寶無求何用智為囊
愛梅栽竹平生語吐出清風六月涼

郡圃寒食

與民同樂一開園佳節何曾禁得烟
拍岸綠波浮舴艋翻空紅袖打鞦韆
眼看花柳心如醉身在蓬瀛我亦仙
明日徐翁墳上約欲求竹帚恐無緣

杜仲高相遇約李尉

胸中無地著塵埃有我唯堪把酒杯
苦恨好山移不得生憎俗客去還來
秋風吹老東籬菊春信攬開北嶺梅
管領風光須我輩急吹短笛棹船回

題蕭宰十二詠堂三山兩水之亭

百載園林復故廬收功全在五車書
一翁二季蘇家樣三水兩山喻曲居
十二詠成傳不朽三千篇出又何如
年來事事如人意敢請先生賦遂初

陪虞使君登岳陽樓

片帆飛過洞庭來，百尺巍巍水面開。
疑泛靈槎上河漢，如從弱水到蓬萊。
鉤天廣樂無聞矣，袖劍仙人安在哉。
物物盡隨波浪去，君山一點獨崔嵬。

贈洞霄道士

高枕清流臥白雲，靈龜骨相鶴精神。
凡為九鍊山中客，定是群仙數內人。
馴虎巖前攀逸翠，斬蛟亭下濯征塵。
練師莫笑狂夫老，乞我金丹養病身。

閱世

一懶一愚兼一癡從教智士巧能為坦途失脚溪山險
暗室萌心天地知江水長流無盡意夕陽雖好不多時
老夫閱遍人間事欲和寒山拾得詩

積鏹多金生怨尤一溫飽外更何求自甘韜遁陶元亮
不愛贏餘馬少游何取纍纍兼若若終成莫莫與休休
花前適意三杯酒萬事忘機對白鷗

少算

吾生落落果何為世事紛紛無了期
少算人皆嘲我拙多求我却笑人癡
庭花密密疎疎蓋溪柳長長短短枝
萬事欲齊齊不得天機政在不齊時

南康六老堂

廬山脚下開亭館奈此千峯百嶂何
逸少大書池上墨少陵狂作醉時歌
碧荷秋老香猶在好月夜深明更多
五老揖君天上笑把杯相對酌金波

韓張亭

昌黎謫宰臨武張御史宰
連山二公相會于此亭

此地曾棲雙鳳凰登高懷古北風涼忠規萬乘龍顏粲
謫遇千山鳥道荒百里隣居天作合兩賢名與日爭光
幾人緘口貪官職身在朝廷志已忘

處世

風波境界立身難處世規模要放寬萬事盡從忙裏錯
一心須向靜中安路當平處經行穩人有常情耐久着
直到一作始終無悔吝旁生枝葉便多端

送別朱兼僉

恰喜相逢又語離愁于江上送君時清談未了風吹斷
白髮可憐天不知樗木自肥傷竹瘦海棠偷放笑梅遲
黃堂若問癡頑老新有登樓二十詩

題王制機新樓

綠雲圖上新輪奐彈壓江山氣勢豪手拍危欄拂星斗
目窮滄海見波濤人間何處望不到天下有樓無此高
俯視河陽桃李巷清風吹斷市塵囂

呈姚顯叔奉親送死極孝

雁去多年缺寄音扁舟無復到山陰臥牛崗上經過少
下馬陵前感慨深細讀文公千字誄足知孝子一生心
無才為作招魂些自有悲風在樹吟

題姚顯叔南嶼書院

朝夕置身書卷間紛華滿眼幾曾看山林不受塵埃浣
屋宇無多氣象寬立脚怕隨流俗轉留心學到古人難
漫山桃李爭春色輸與寒梅一點酸

寄朱仲寔兼僉

光陰日夜催吾老已作鷄皮鶴髮翁萬事裝成百年夢
五行注定一生窮殘花但有凋零分枯木難沾造化功
若見黃堂煩寄語何如停我雪樓中

寄項宜甫兼簡韓右司

匆匆不暇去相違草草吟成送別詩千里江山客行遠
三秋風雨桂開遲安居但欲無公事舉枉終須有直時
若見右司煩寄語世間公道要扶持

閱四家詩卷

翁際可薛沂叔
孫季蕃高九萬

閱盡四家詩卷子自然優劣在其中石龜野鶴心相合
菊磴花翁道不同鳴鳳翱翔上霄漢亂蟬蕭瑟度秋風
一篇論盡諸家體憶著當年輩睡翁

謝吳秘丞作石屏集後序

說破當年舊石屏自慙無德又無能嚮來江海疎狂客
今作山林老病僧高臥一樓成宇宙冷看獨影當賓朋
惡詩有誤公題品不是夔州杜少陵

有感

老子生來世法疎
白頭思欲把犁鋤
摩挲此腹空無物
僥倖虛名愧有餘
憔悴不教漁父笑
寒溫無益貴人書
詩家幸有嚴華谷
襟誼猶能眷眷予

湘中

一棹無情度碧湘
行行不脫水雲鄉
旗亭少飲村醪薄
田舍新炊晚稻香
簫鼓遠來朝嶽去
包龍爭出趁虛忙
塗人有愧黃居士
十載看經不下堂

九日櫓洲舟中

幾年重九客他州少泊櫓田古渡頭人向飲中言我樂
誰知笑裏是吾愁黃華可忍拋三徑白髮猶堪奈幾秋
今日登高無處所一樽攜上枕江樓

曾景建得罪道州聽讀

聞說烏臺欲勘詩此身幸不墮危機少陵酒後輕嚴武
太白花前忤貴妃遷客芬芳窮也達故人評論是耶非
飽叅一勺濂溪水帶取光風霽月歸

朱行父留度歲

衡山之下湘江上風月留連去較遲四海弟兄多不遇
一門父子兩相知梅邊竹外三杯酒歲尾年頭幾局棋
羈旅宦遊俱是客細論心事共題詩

梅花

瀟洒春葩綴壽陽百花惟有此花強月中分外精神出
雪裏幾多風味長折向書窓疑是玉吟來齒頰亦生香
年年茅舍江村畔勾引詩人費品量

金陵游覽用劉子明韻

英雄割據已焉哉
逝水滔滔去不回
里巷難尋王謝宅
江山空對鳳凰臺
登臨無伴詩為侶
興廢不知梅自開
同是遊人不同樂
青樓歌舞待君來

呈趙園令

翠雲屏嶂碧瑤池
萬象前陳屬指揮
彷彿神仙居處好
尋常賓客到來稀
荷花香裏渾無暑
棊子聲中却有機
別院笙歌促君去
野夫自步月明歸

吉州堆勝樓謝景周司理居其上

半天輪奐獨嵬峩遙望青原瞰碧螺納納乾坤森萬象
重重洲渚繞層波詩情雅興與江山合酒興偏于故舊多
靴笏縛君難放浪樽前狂客且高歌

吳子似提幹九高亭小景

前日作詩題大槩亭前小景亦堪題綠楊樹下茅三架
白水田頭菜兩畦似酒新鶯初泛浦如孩黃犢試牽犁
十分野趣關心事到此令人憶剡溪

泉州紫極宮壽星殿古檜諸葛機宜同賦

浪說陳朝八檜碑何如此檜古而奇靈根據地高千尺
黛色浮空閱四時人去棟梁勞想像樹存陵谷有遷移
壽星賜汝長生訣化作蒼龍守殿墀

都中次韻申季山

車馬喧臨十二門樂從閒處度朝昏詩書豈為功名重
軒冕何如道誼尊志士不能行所學明君亦或諱忠言
世間事事如人意未必商山有綺園

蘄州上官節推同到浮光

馬蹄相逐到浮光客裏相寬對舉觴
夜暖試鋪新枕簟
曉寒仍索舊衣裳櫻桃著雨便成腐
柳絮隨風如許狂
連歲經行淮上路憂時贏得鬢毛蒼

贛州呈雪蓬姚使君

白旗走報山前事昨日官軍破綠林
千里人烟皆按堵
一春農事最關心不知郊外雨多少
試探田間水淺深
翠玉樓中無限好可無閒暇一登臨

撫州節推蕭學易衙宇一新

掇取高科如拾芥愛君才調望君深莫誇書判居蓮幕
要把文章入禁林華屋修成官滿去好詩改定客來吟
西窓共對蕭蕭竹不負三杯話此心

汪見可教授約諸丈鳳山酌別

鳳凰洲上鳳凰山草草登臨見一斑不立樊牆天廣大
賸栽花竹地寬閒白雲四面峯千疊綠柳前頭水一灣
行色催人詩未就寄情庭院落花間

吉州李伯高會判送鹽蠟子魚比海味之珍者

未免為鱸魚動歸興

每思鄉味必流涎一物何能到我前
怒奮兩螯眸炯炯飽吞三印腹便便
形模突出鹽池底風味橫生海嶠邊
合為尊鱸動歸興久拋東浦釣魚船

癸巳端午呈李伯高

客裏幾逢端午節看成雪鬢與霜髯
救人采得三年艾背世翻成六日蟾
老境可憐歸未得羈懷長是病相兼
猛思一醉酬風月笑撚菖花揭酒帘

李深道得蘇養直所為深字韻一首不知題何

處景俾跋其後

唐人詩云欲向愁烟問
故官又恐愁烟推白鳥

都來五十有六字寫出山林無限奇當日所題何處景
祇今但見後湖詩一言一語堪傳世某水某丘仍屬誰
試向愁烟推白鳥無情白鳥又何知

石屏久游湖海祖妣遂題二句于壁云機番白

苧和愁織門掩黃花帶恨吟後石屏歸祖妣

已亡矣續成一律

伊昔天邊望藁砧
天邊魚雁幾浮沈
機番白苧和愁織
門掩黃花帶恨吟
自古詩人皆浪跡
誰知賢婦有關心
歸來却抱雙雛哭
碑刻雖深恨更深

石屏詩集卷五

欽定四庫全書

石屏詩集卷六

宋 戴復古 撰

絕句

蠟梅二首

天寒好風日清香透窓紗誰知蜜脾底有此返魂花
籬菊抱香死化入歲寒枝依然色尚黃雪中開更奇

汀州道上

宇內何牢落客行雙鬢華千山萬山底老眼付梅花

題周仁甫古香堂二首

一登君子堂滿目是秋光樹是月中桂花非今日香
秋風動窓戶兼聞書傳香種花兼種德當有折桂郎

寄興

代作

長願如人意一生無別離妾當年少日花似半開時
黃金無足色白璧有微瑕求人不求備妾願老君家

贈萬杉老秀癡翁二首

識得慶雲和尚不癡自號癡翁此老端如五老高出廬

阜諸峯

讀儒書五千卷通禪門八萬條
宴坐萬杉林下四旁風雨蕭蕭

江村晚眺二首

數點歸鴉過別村隔灘漁笛遠
相聞荻蒲斷岸潮痕濕日落空江生白雲

江頭落日照平沙潮退漁舸閣岸斜
白鳥一雙臨水立見人驚起入蘆花

見山居可喜

一溪盤曲到堦除
四面青山畫不如
修竹罩門梅夾路
詩人居處野人居

初夏

紅紫光陰不久長
一聲啼鴉靜年芳
陰陰綠樹黃鸝語
將與人間作夏涼

桂

金谷園林知幾家
競栽桃李作春華
無人得似天工巧

明月中間種桂花

江陰浮遠堂

橫崗下瞰大江流
浮遠堂前萬里愁
最苦無山遮望眼
淮南極目盡神州

淮村兵後

小桃無主自開花
烟草茫茫帶曉鴉
幾處敗垣圍故井
嚮來一一是人家

盱眙北望

北望茫茫渺渺間
鳥飛不盡又飛還
難禁滿目中原淚
莫上都梁第一山

訪友人家即事

爛茅遮屋竹為牀
口誦時文鬢已霜
妻病無錢供藥物
自尋野草試單方

晚春

池塘渴雨蛙聲少
庭院無人燕語長
午枕不成春草夢
落花風靜煮茶香

揚州端午呈趙帥

榴花角黍鬪時新
今日誰家不酒樽
堪笑江湖阻風客
却隨蒿艾上朱門

次韻郭子秀曉行

脫葉園林帶曉鴉
馬蹄步步踏霜華
山邊水際頻凝顧
怕有寒梅昨夜花

山村

山崦誰家綠樹中
短牆半露石榴紅
蕭然門巷無人到

三兩孫隨白髮翁

萬竹梢頭雲氣生西風吹雨又吹晴題詩未了下山去
一路吟聲雜水聲

題吳熙仲雲萍錄

家在蓬萊海上居出身履歷一時無姓名羞上雲萍錄
本是烟波一釣徒

湘中遇翁靈舒

天台山與雁山鄰只隔中間一片雲一片雲邊不相識

三十里外却逢君

客中秋晚

榴花纔放客辭家
客裏因循見菊花
獨坐西樓對風雨
天寒猶自著輕紗

都中冬日

脫却鷄裘付酒家
忍寒一作貧圖得醉京華
一冬天氣如

春暖昨日街頭賣杏花

湖上

湖上團團三十里若非楊柳即樓臺城門未鎖黃昏月
更住旗亭把一杯

冬至

時光流轉尋常事世故驚心感慨多一歲休祥在雲氣
今朝雲氣果如何

釣臺

萬事無心一釣竿三公不換此江山平生誤識劉文叔
惹起虛名滿世間

端午豐宅之提舉送酒

海榴花上雨蕭蕭
自切菖蒲泛濁醪
今日獨醒無用處
為公痛飲讀離騷

同蘄州上官節推登光州增勝樓

增勝樓中共倚欄
平原渺渺接青山
夕陽明處人烟少
鐵騎曾來闔五關

次韻梅花

百花開遍莫如梅
更向羣芳缺際開
寒冷怕行門外路

為渠踏雪過山來

酴醾

東風滿架索春饒三月梁園雪未消
賸馥何人炷蘭麝
桑枝無力帶瓊瑤

次韻盧申之正字野興

芋圃蔬畦接井湄茅簷四面槿籬圍
門前盡日無人過
牛渡橫塘野鴨飛

題黃州謝深道國正山庵

就荒山竹重抽笋新種池荷晚著花意象全然似村落
又添茅屋兩三家

題鄭子壽野趣

菜花園圃槿花籬麥滿前坡水滿池野老橫竿攔鴨過
牧兒攜笛倚牛吹

山中見梅

踏破溪邊一徑苔好山好竹少人來有梅花處惜無酒
三嗅清香當一杯

湘西寺觀瀾軒

東岸樓臺西岸山
瀟湘一片在中間
紅塵不到滄波上
僧與白雲相共閒

道鄉臺

萬里南遷直諫臣
世間無地可容身
夜衝風雨過湘水
賴有青山作主人

定王臺

長沙米換長安土
築此崔嵬寄遠觀
客子登臺千載後

倚欄亦欲望長安

陶侃栢

四絕堂前枯栢樹
晉人栽植宋人吟
無枝無葉無吟處
聊寓一時懷古心

東池

戴叔倫隱居之地

來尋吾祖隱居處
娟娟春風吹酒旗
手把梅花寄愁絕
東池只是舊東池

寧鄉道上遇張伯聲

山禽調舌待春晴江雨收聲開曉晴
偶遇故人同杖屨
梅花樹下一詩成

初夏游張園

乳鴨池塘水淺深熟梅天氣半晴陰
東園載酒西園醉
摘盡枇杷一樹金

鄂渚解纜

日日言歸不得歸今朝真箇是歸期
西樓烟水南樓月
別後何人更有詩

別許季如

久不相逢喜盍簪
相從未久又分襟
扁舟自逐便風去
却恨無情江水深

船過桐江懷郭聖與

只言君在桐江住
及到桐江不見君
日暮空山獨惆悵
不知又隔幾重雲

買歸舟篙子請占牌戲成口號

詐稱官職不如休
白板無題又可羞
只寫江湖散人號

不然書作醉鄉侯

書事

打鼓行船未有期恰如江上阻風時詩中一段閒公事
幸不妨人喫荔枝

綠陰亭自唐時有之到今五百年盧肇二三公
題詩之後吟聲寂寂久矣亭前古木不存綠
陰之名殆成虛設今詩人李賈友山作尉于
此實居此亭公事之暇與江山風景應接境

因人勝見于吟筆多矣友人石屏戴復古訪
之相與周旋于亭上題四絕句以記曾來

五百年前作此亭亭前古木綠陰清而今古木無存者
賴有新亭繫舊名

惻惻秋風吹客襟唐人遺跡宋人吟浮雲世事多遷變
不獨此亭無綠陰

遠一作十山橫碧一溪清白鳥飛邊落照明吏散庭階一

無事綠陰亭上又詩成

政是國家多事秋渝川縣尉亦風流吟詩不廢公家事
坐使孟郊輸一籌

次韻谷口鄭東子見寄

閉門覓句飯牛翁囊有新詩不怕窮十里梅花生眼底
九峯山色滿胸中

不管家居四壁空琢成佳句有神工謫仙會有金鑾召
莫道詩人命不通

相看俱作白頭翁出處規模自不同我走江湖作狂夢

君能面壁課成功

一生飄泊客途中
扶杖從人類百工
白首歸來入詩社
猶思渭北與江東

吾鄉自昔詩人少
委羽先生後有翁
坐客無羶君莫笑

雲臺有集繼家風

鄭谷有
雲臺集

自笑詩人多好酒
君能不飲任樽空
勸君莫倚醒醒眼
却笑傍人醉面紅

寄後村劉潛夫

朝廷不召李功甫翰苑不著劉潛夫天下文章無用處
奎星夜夜照江湖

擁節持麾澤在民仰看臺閣笑無人劉蕡一策傳千古
何假君王賜出身

客游仙里見君時擁絮庵中共說詩別後故人知我否
年幾八十病支離

中秋李漕冰壺燕集

把酒冰壺接勝游今年喜不負中秋故人心似中秋月

肯為狂夫照白頭

登樓絕句和者甚多又從而用韻擇其可錄者

錄之

勞生百計不如閒
合把人間比夢間
天與老夫供享用

一樓風月兩屏山

有前屏
後屏

心地清涼日日秋
怕沾塵土莫低頭
置身不在衆人下
處處皆成百尺樓

小樓題了又還題
一段風流在水西
白鳥飛來知向背

青山元自有高低

富貴于人造物慳出門又覺世途艱樓頭適意三杯酒
未末清風雨後山

寄上趙南仲樞密

貴為公相不如歸一夕飄然去不知樂在五湖風月底
扁舟載酒對西施

能為明哲保身謀富貴功名總罷休早向急流中勇退
歸來閒伴赤松遊

初夏

等閒過了一年春雨後風光夏景新
試把櫻桃薦杯酒
欲將芍藥贈何人

覓芍藥代簡豈潛

照映亭池芍藥春
紅紅白白鬪精神
與其雨打風吹去
爭似慇懃折贈人

趙葦江與東嘉詩社諸君游一日攜吟卷見過
一謝其來

白首無聊老病軀一心唯覓死頭顱時人誤作梅花看
今日枝頭雪也無

得早梅一枝攜訪酒家

旗亭沽酒少徘徊左手梅花右手杯眼見枝頭開數蕊
春風自我掌中來

巾子山翠微閣

雙峯直上與天叅僧共白雲棲一庵令古詩人吟不盡
好山無數在江南

贈饒叔虎談易論命多奇中

中年多病早衰翁詩不能工枉受窮郊島五行君識否
要知我命與渠同

招山乃詩人劉叔擬故居朱清之得其地清之
赴南宮中道而返就招山卜築不久亦去世
半路袖回攀桂手一生才遂買山心要知此老風流處
來向劉郎吟處吟

有錢可買滄浪景無術能還夢幻身一段江山寄愁絕

百年不見兩詩人

湖南漕李革夫被召乃丐歸

浪說歸朝歸豫章
新居萬柳百花傍
何如表奏明光殿
乞取東湖作醉鄉

軒冕難遮兩鬢華
官居雖好不如家
一心懶上朝天馬
要趁春風歸種花

清明感傷

客中今日最傷心
憶著家山松樹林
白石岡頭聞杜宇

對他人墓亦沾巾

次韻李伯高

蓮幕高吟冰雪篇
天才秀發思華年
千金買得驚人句
落在雞林渡海船

嶽市勝業寺悅亭

尋幽攬勝老猶勤
但覺吟身瘦幾分
淨洗一生塵土眼
細看七十二峰雲

訪舊

欲尋西舍問東隣
兩巷都非舊主人
惟有桑邊石池在
依然春水碧粼粼

代簡答夏肯父

六七十里不為遠
百書不如一會面
之子相期十日間
要與梅花併相見

寄劉潛夫

時在建康作制幹唐人
詩芳譽香名滿數車

八斗文章用有餘
數車聲譽滿江湖
今年好獻南郊賦
幕府文章有暇無

周子益年八十赴殿

所居勝
曰漁村

七尺漁竿八十翁
釣絲輕裊荻花風
功名未遂英雄老
人道磻溪即箇中

拋却漁村老釣竿
手遮西日上長安
青衫著了尋歸路
莫過羊裘七里灘

觀捕黃雀

披綿爭啄晚禾秋
決起森然網扼喉
一飽等閒輸性命
知機萬不及沙鷗

九日

醉來風帽半敝斜幾度他鄉對菊花最苦酒徒星散後
見人兒女倍思家

雪中觀梅鄭子壽畏寒不到

孤負溪橋雪與梅怕寒不肯出門來欲邀鄭老同清賞
爭得梅花六月開

鄭子壽野趣燒燭醉梅花

古瓶斜插數枝春此即君家勸酒人移取堂前雙蠟燭

花邊照出玉精神

東湖看花呈宋原父

團團堤路行無極一株一步楊柳碧佳人反覆看荷花
自恨鬢邊簪不得

贛州上清道院呈趙雪蓬

短牆不礙遠山青無事燒香讀道經時把一杯非好飲
客懷宜醉不宜醒

無題

憶聞春燕語雕梁又聽秋鴻叫斷腸一縷沈烟飛不過
兩樓相對立斜陽

到西昌呈宋原父伯仲黃子魯諸丈

一秋無便寄平安新雁聲聲報早寒昨夜檢衣開故篋
去年家信把來看

扁舟幾度到南昌東望家山道路長醉裏不知身是客
故人多處亦吾鄉

入閩道中

山中寂寞去程賒
莫惜頻頻到酒家
行李蕭然還不俗
擔頭顛倒插梅花

嚴儀卿約李友山高與權酌別

江天慘澹日淒涼
木未經霜葉未黃
今日樓頭一杯酒
明朝行客在誰鄉

李敷文酌別席上口占

客子明朝早問程
樽前今夜苦

一作若

為情使君亦恐傷

離別不使佳人唱渭城

李友山索詩卷汀州急遞到昭武

清時無事更年豐
兩地風光詩詠中
可是山前無警報
旗鈴千里遞詩筒

題牛圖

牡丹花下連宵醉
今日閒看黑牡丹
得此躬耕東海曲
一貧無慮百憂寬

既別諸故舊
獨黃希聲往曲江稟議未回不及
語離

別盡諸君不見君客愁多似海南雲一聲何處離群雁
那向江村靜處聞

老年懷抱晚秋天欲去思君重黯然聞道歸來有消息
江頭錯認幾人船

林伯仁話別二絕

別酒三杯醉不知梅邊嶺外故人稀片心暗逐白雲去
日日向君行處飛

茉莉花邊把酒卮桺榔樹下共談詩醉來一枕西窓下

酒醒方知有別離

題陳景明梅廬

手栽梅核待成林
慈母當年屬望深
梅未成林人已往
空酸孝子一生心

思親如海渺無涯
觀物驚心感歲華
誰見詩人心苦處
年年揮淚看梅花

題蔡中卿青在堂二首

瀟瀟洒洒屋三間
日日開門見好山
但使青青長在眼

一毫塵俗莫相干

幾人富貴不能閒
夜運牙籌日跨鞭
役役一生忙裏過
不知屋上有青山

劉子及贈瑞桂

秋光點點明人眼
不比尋常巖桂花
天與劉郎作嘉瑞
枝枝金粟間丹砂

寄玉溪林逢吉六首

癸卯春

經年不見玉溪翁
百里江山萬里同
無計相從話心曲

時揮一紙寄西風

問君那向城中住
賴有清風濯市塵
門外數根楊柳樹
細看別作一家春

心腹相知會面稀
一春未有盍簪期
西窓風雨愁眠夜
夢到君家賦小詩

陋巷深深屋數椽
以文為業硯為田
一觴一飯常留客
知是君家內子賢

老夫時作白頭吟
爨下焦桐孰賞音
敢望荆溪作詩跋

自慙敝帚享千金

王建不能憐賈島吟邊懷抱向誰開
扶病欲迎新太守不知千騎幾時來

重陽

茱萸半紫菊花黃時節催人日夜忙
便使老夫年滿百無過二十二重陽

題梅嶺雲封四絕

東海邊來南海邊長亭三百路三千
飄零到此成何事

結得梅花一笑緣

淮南得道嶺南行
嶺上回頭作麼生
傳得祖師心印了
鉢盂何必與人爭

鑿破青山兩壁開
石頭路上踏成埃
梅花自與白雲笑
幾見夷齊出嶺來

南遷過嶺面無慙
前有東坡後澹庵
兒輩欲知當日事
青山解語水能談

戲題詩藁

冷澹篇章遇賞難
杜陵清瘦孟郊寒
黃金作紙珠排字
未必時人不喜看

昭武太守王子文日與李賈嚴羽共觀前輩一
兩家詩及晚唐詩因有論詩十絕子文見之
謂無甚高論亦可作詩家小學須知

文章隨世作低昂
變盡風騷到晚唐
舉世吟哦推李杜
時人不識有陳黃

古今胸次浩江河
才比諸公十倍過
時把文章供戲謔

不知此體誤人多

曾向吟邊問古人詩家氣象貴雄渾
雕鏤太過傷于巧
樸拙惟宜怕近村

意匠如神變化生筆端有力任從橫
須教自我胸中出
切忌隨人腳後行

陶寫性情為我事留連光景等兒嬉
錦囊言語雖奇絕
不是人間有用詩

飄零憂國杜陵老感寓傷時陳子昂
近日不聞秋鶴唳

亂蟬無數噪斜陽

欲叅詩律似叅禪妙趣不由文字傳箇裏稍關心有誤
發為言句自超然

詩本無形在窈冥網羅天地運吟情有時忽得驚人句
費盡心機做不成

作詩不與作文比以韻成章怕韻虛押得韻來如砥柱
動移不得見功夫

草就篇章只等閒作詩容易改詩難玉經雕琢方成器

句要豐腴字要安

詞

望江南

壺山宋謙父寄新刊雅詞內有壺山好三十闕自說平生僕謂尚有說未盡處

為續

四曲

壺山好博古又通今結屋三間藏萬卷揮毫一字直千金四海有知音
門外路咫尺是湖陰萬柳堤邊行處樂百花洲上醉時吟不負一生心

壺山好膽氣不妨麤手奮空拳成活計眼穿故紙下工

夫處世未全疎 生涯事近日果何如
背錦奚奴能檢點 畫眉老婦出交租
且喜有贏餘

壺山好文字滿胸中 詩律變成長慶體
歌詞綽有稼軒風 最會說窮通
中年後雖老未成翁 兒大相傳書種在
客來不放酒樽空 相對醉顏紅

壺山好也解憶狂夫 轉手便成千里別
經年不寄一行書 渾似不相疎
催歸曲一唱一愁予 有劍賣來沽酒

喫無錢歸去買山居 一向作狂徒
壺山有催歸曲贈僕甚妙

僕既為宋壺山說其自說未盡處壺山必有答

語僕自嘲三解

石屏老家住海東雲本是尋常田舍子如何呼喚作詩人
無益費精神 千首賦不救一生貧賈島形模元自瘦
杜陵言語不妨村誰解學西崑

石屏老長憶少年遊自謂虎頭須食肉誰知猿臂不封侯
身世一虛舟 平生事說著也堪羞四海九州雙腳底
千愁萬恨兩眉頭白髮早歸休

石屏老悔不住山林注定一生知有命老來萬事付無
心巧語不如瘡貧亦樂莫負好光陰但願有頭生白
髮何愁無地覓黃金遇酒且須斟

錦帳春

淮東陳提舉清明奉
母夫人游徐仙翁庵

處處逢花花家插柳政寒食清明時候奉板輿行樂使
星隨後人間稀有出郭尋仙綉衣春畫馬上列兩行
紅袖對韶華一笑勸國夫酒百千長壽

醉落魄

九日吳勝之運
使黃鶴山登高

龍山行樂何如今日登黃鶴風光政要人酬酢欲賦歸
來莫是淵明錯江山登覽長如昨飛鴻影裏秋光薄
祇有黃花覺牢裏烏紗一任西風作

柳梢青

岳陽樓

袖劍飛吟洞庭青草秋水深深萬頃波光岳陽樓上一
快披襟不須攜酒登臨問有酒何人共斟變盡人間
君山一點自古如今

行香子

永州為魏
深甫壽

萬石崔嵬二水連漪此江山天下之奇太平氣象百姓
熙熙有文章公經綸手把州麾滿斟壽酒笑撚梅枝
管年年長見花時佳人休唱淺近歌詞讀浯溪頌愚谷
記澹巖詩

木蘭花慢

流鶯啼啼不盡任燕語語難通這一點閒愁十年不斷
惱亂春風重來故人不見但依然楊柳小樓東記得同
粉壁而今壁破無蹤蘭皋新漲綠溶溶流恨落花紅

念著破春衫當時送別燈下裁縫相思漫然自苦算雲
烟過眼總成空落日楚天無際凭欄目送飛鴻

鷓鴣天

題趙次山
魚樂堂

圍圍洋洋各自由或行或舞或沈浮觀魚未必知魚樂
政恐清波照白頭休結網莫垂鉤機心一露使魚愁
終知不是池中物掉尾江湖汗漫游

浣溪沙

病起無聊倚綉牀玉容清瘦懶梳粧水沈烟冷橘花香

說箇話兒方有味
些酒子又何妨
一聲啼鴉斷人腸

臨江仙

代作

誤入風塵門戶驅來花月樓臺樽前幾度得徘徊可憐
容易別不見牡丹開莫恨銀瓶酒盡但將妾淚添杯
江頭恰恨北風回再三相祝去千萬寄書來

祝英臺近

別李渢之諸丈

泛杭州臨塵水幾日共游戲歌笑開懷酒醒又還醉奈

何一旦分攜連宵風雨剪不斷客愁千里 水雲際遙
望一片飛鴻苦是失群地滿眼春風管甚閒桃李此行
歸老家山相逢難又但一味相思而已

鵲橋仙

周子俊過南關問訊
宋吉闕黃有之兄弟

西山巖壑東湖亭館盡是經行舊路別時相見有荷花
還又見梅花歲暮 宋家兄弟黃家兄弟一一煩君傳
語相忘不寄一行書元自有不相忘處

又

新荷池沼綠槐庭院簷前雨聲初斷喧喧兩部亂蛙鳴
乍得似啼鶯睨睨風光流轉客游汗漫莫問鬢絲長
短醒時杯酒醉時歌算省得閒愁一半

大江西上曲

寄李實夫提刑時
郊後兩相皆乞歸

大江西上鬱孤臺八境人間圖畫地湧千峯搖翠浪兩
派玉虹如瀉彈壓江山品題風月四海令王謝風流人
物如公一世推也一片憂國丹心彈絲吹笛未必能
陶寫西北風塵方瀕洞宰相閒歸綠野月斧爭鳴風斤

運巧不用修亭榭紫樞黃閣要公整頓天下

減字木蘭花

寄欽州劉叔治使君

羊城舊路檀板一聲驚客去再擬重來白髮飄飄上越臺
故人居處曲巷深深通竹所問訊桃花欲訪劉郎
不在家

又
寄五羊鍾子洪

天台狂客醉裏不知秋髮白應接風光憶在江亭醉幾
場
吳姬勸酒唱得廉頗能飯否西雨東晴人道無情

又有情

又

阻風中酒流落江湖成白首
歷盡艱關贏得虛名滿世間
浩然歸去憶著石屏茅屋趣
想見山村樹有交柯犢有孫

清平樂

興國呈
司直

今朝欲去忽有留人處
說與江頭楊柳樹
繫我扁舟且住
十分酒興詩腸難禁冷落秋光
借取春風一笑狂


夫到酒猶狂

又

嘲人

醉狂癡作誤信青樓約酒醒梅花吹畫角翻得

闕



石屏詩集卷六